

LEGENDA

Tip aktivnosti - Aktivnost treba da se definiše uzimajući u obzir sljedeće kategorije: pravni okvir (PO), institucionalni okvir (IO), ljudski resursi (LIR), kapitalne investicije (KI), studije (S), aktivnosti promocije (PR).

Tip nadležnosti - Tip nadležnost se odnosi na sljedeće: nadležnost u koordinaciji (KO), implementaciji (IO), davanju smjernica kroz pripremu dokumenata (S), priprema (P), samo finansiranje trećih subjekata (F).

Izvor finansiranja - budžet Općine Ilidža (BOI), budžet Kantona Sarajevo (BKS), donatori (D), druge institucije navesti

OPĆINA ILIJAŠ

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i čl. 23. i 55. Statuta Općine Ilijaš ("Službene novine Kantona Sarajevo", broj 7/98, 9/01, 17/04, i 14/08), općinski načelnik, dana 28.12.2015. godine, verificovao je i donio

ODLUKU

O KOREKCIJI REGULACIONOG PLANA "LUKE"
ILIJAŠ

Član 1.

Utvrđuje se Korekcija Regulacionog plana "Luke" Ilijaš ("Službene novine Kantona Sarajevo", broj 33/08), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za nastavak izgradnje I faze radne zone (privreda i mala privreda) na način da se umjesto planiranih privrednih objekata i dijela planirane naseljske saobraćajnice na vlasničkim parcelama zadrži postojeće stanje uz postojeće vlasničke objekte. Korekcijom plana obuhvaćene su vlasničke parcele označene kao k.č. 1051 (dio), 1052 (dio), 1053 (dio), 1054 (dio), 1048/2 (dio), 1048/5

(dio), 1046, 1047/1, 1048/1, 1048/4, 1049/1, 1049/3 i 1050 K.O. Ilijaš Grad, Općina Ilijaš.

Član 3.

Korekcija Plana sastoji se iz tekstualnog dijela i grafičkih priloga br. 1 i br. 2 (Izvod iz R.P. "Luke" Ilijaš i Korekcija R.P. "Luke" Ilijaš). Tekstualni dio i grafički prilog korekcije Plana su sastavni dio Regulacionog plana "Luke" Ilijaš ("Službene novine Kantona Sarajevo", broj 33/08).

Član 4.

Korekcija Plana je rađena za fazu urbanizma na grafičkom prilogu broj 6. "Razmještaj, namjena i spratnost arhitektonskih objekata". U fazama saobraćaja i komunalne infrastrukture koja su sastavni dio Plana zadržavaju se usvojena Idejna rješenja.

Član 5.

Po jedan primjerak ovjerene korekcije Plana (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Ilijaš, Zavoda za planiranje razvoja Kantona Sarajevo.

